

ଡିମିଟିଙ୍କ ନିକଟକୁ ପାଉଲଙ୍କ ଦ୍ଵିତୀୟ ପତ୍ର ତୀମତିନ୍ ଗାରେ ପାଉଲ୍‌ରେ ଦ୍ଵିତୀୟ ଚିଠି ତୀମତି ବଇ ବିଷୟରେ ଅଣ୍ଟୟ ପଦ୍

୨ ତୀମତି ବଇ ପାଉଲ୍‌ତାଗାଙ୍କ ତାନ୍ ଶିଷ୍ୟ ତୀମତିନ୍ ଗାରେ ଲେକା ଆଡ଼ରେ ଚିଠି । ୨ ତୀମତି ପାଉଲ୍‌ରେ ଜିହ୍ଵାତାଗ୍ ମାଡ଼େଇଁ ଲେକା ଆଡ଼ରେ ଚିଠି । ଇଦ୍ ସମୟରେ ଅଣ୍ଟ ରୋମ୍‌ତାଗ୍ ବନ୍ଦି ମାଡ଼ତଣ୍ଟ ୧:୧୬ ପାଉଲ୍‌ନ୍ ତଡ଼୍ ତୀମତିନ୍ ଗାଟି ସମ୍ପର୍କ ମାଡ଼ରେ ମେଣ୍ଟେ ସାର୍ବେଦାମ୍ ଅଂକିଙ୍କ ମାର୍ ଇନା ଲେକ୍‌ତଣ୍ଟ ଫିଲିପିୟ ୨:୨୨; ୧ ତୀମତି ୧:୨; ୧:୧୮ ଇଦ୍ ପାଉଲ୍‌ରେ ନାଲୁ ଚିଠି ଲୋପେଇଁ ଅଣ୍ଟୟ ବେଗେ ମଣ୍ଡୁଲିଡିଙ୍କ ଝେରଣ୍ଟ ନାରୁଣ୍ଟ ଲେକ୍‌ତଣ୍ଟ । ମେଣ୍ଟେ ମୁଣ୍ଟ ଚିଠି ସାରେ ଆଦୁରେ ୧ ତୀମତି, ତୀତସ୍ ନୁ ଫିଲିମନ୍ । ଦ୍ଵିତୀୟ ଚିଠି ଲେକା ଆଦାନ୍ ଝେଲେ ରୋମୀୟ ସାମ୍ରାଜ୍ୟତାଗ୍ ତାଡ଼ନା ମାଡ଼ମାଡ଼ତଡ଼୍ । ସମ୍ବାବନା ଇଦ୍ କାରନ୍ ମାନ୍ଦାନ୍ ମାୟ୍‌ଦିଙ୍କ ପାଉଲ୍‌ ବନ୍ଦି ମାଡ଼ତଣ୍ଟ ନୁ ତୀମତିଙ୍କ କଷ୍ଟ ସୟେମ ମାଡ଼ାନଙ୍କ ନିର୍ଦ୍ଦେଶ୍ ଇସମାଡ଼ତଡ଼୍ । ୧ ତୀମତି ଲେକାମ୍ ପାଉଲ୍‌ ତୀମତିଙ୍କ ମିର୍ ଗୁରୁଡ଼୍ ବିଷୟରେ ନାଗେ ସତର୍କ ସୁଚନା ଇଦ୍‌ତଣ୍ଟ । ୧ ତୀମତି ୧:୧୬-୧୮ ପାଉଲ୍‌ ତୀମତିଙ୍କ କେଡିତଣ୍ଟ ଯେ, ବବିଷ୍ୟରେ ନାଗେ କଷ୍ଟତାସ୍ତ୍ର ସମୟ ମିନ୍ଦେ ୩:୧ ।

ବଇଡ଼ ଲୋପେ ମାନ୍ଦାନ୍ ମୁକ୍ୟ ବିଷୟ

୧. ପାଉଲ୍‌ ତୀମତିଙ୍କ ନମସ୍କାର କେଡିତଣ୍ଟ ନୁ ଅଂକିଙ୍କ ସାହାସ୍ ଇଦ୍‌ତଣ୍ଟ । ୧:୧-୧୮
୨. ତୀମତିଙ୍କ ଗାଡ଼ସ୍ ପ୍ରମାନ୍ ମାଡ଼ି ତଅତାନ୍ ସେଙ୍ଗେ ପାଉଲ୍‌ ସାହାସ୍ ଇଦ୍‌ତଣ୍ଟ । ୨:୧-୧୩
୩. ପେକେ ପାଉଲ୍‌ ବେସ୍‌କେ ସାଦାରନ୍ ପରାମର୍ଶ୍ ଇଦ୍‌ତଣ୍ଟ । ୨:୧୪-୨୬

୪. ବବିଷ୍ୟତ୍ ଗଟନା ବିଷୟରେ ସତର୍କ ମାନ୍ୟାନାଦ୍ ନୁ ନିଜାତ୍ ଆର୍
ଏସ୍ତାନ ସେଙ୍ଗେ ସତର୍କ ମାଡ଼ିତଣ୍ଡ । ୩:୧-୪:୮
୫. ପାଉଲ୍ ତାମଡ଼ିଙ୍କ ବେସ୍‌କେ ନିଜର୍ ବିଷୟରେ କେସ୍ ଲେକା
ତେରସ୍ତିତଣ୍ଡ । ୪:୯-୨୨

^୧ ନାନ ପାଉଲ୍, କ୍ରିଷ୍ଟ ଜିସୁନାଗେ ମାନ୍ୟାନ ଜିଝେ ସମ୍ବଦୀୟ ପ୍ରତିଜ୍ଞା, ଲେକାମ୍ ଇଶ୍ବରରେ ଇଚ୍ଛା ତଡ଼୍ କ୍ରିଷ୍ଟ ଜିସୁନାଗେ ନାନେ ଝେରନ୍ ପ୍ରେରିତ ।

^୨ ☆ନା ପ୍ରିୟ ମାର୍ ତାମଡ଼ିଙ୍କ ନାନେ ଇଦ୍ ଚିଟି ଲେକ୍‌ତାନ । ବାବାଲ୍ ଇଶ୍ବର ନୁ ପ୍ରବୁ ଜିସୁ କ୍ରିଷ୍ଟ ନିକିଙ୍କ ଅନୁଗ୍ରହ, କୃପା ନୁ ଗାନ୍ତି ରହସିଝିନ୍ ।

ଦନ୍ୟବାଦ୍ ନୁ ଝେଡ଼୍‌କେତାଦ୍ ଗଟ୍

^୩ ନା ଆନିଦାଦିଡ଼୍ ଲେକାମ୍ ନାନେ ବେନ୍ ଇଶ୍ବରତିଙ୍କ ଲେକାଡ଼୍ ହୃଦୟରେ ସେବା ମାଡ଼୍ ଝାସମିନ୍ଦେନ୍, ଅଙ୍କ ଦନ୍ୟବାଦ୍ ଇସ୍ କେତୁତାନ । ନାୟାଦ୍ ପ୍ରାର୍ଥନା ତାଗ୍ ସାରେଦିନା ନାର୍କେପାୟାଲ୍ ନିକିଙ୍କ ହେର୍କା ମାଡ଼ାନ ଝେଲେ ନାନେ ଇଶ୍ବରତିଙ୍କ ଦନ୍ୟବାଦ୍ ଇଦ୍‌ତାନ ।

^୪ ନାନେ ବେଦ୍‌ଲେକାମ୍ ଝେଡ଼୍‌କେତେ ପରିପୁର୍ଣ୍ଣ ଆଦ୍‌ତାନ, ହିଦିନ୍ ସେଙ୍ଗେ ମିୟାଦ୍ କାଣ୍ଡେଡ଼୍ ନାକିଙ୍କ ହେର୍କା ମାଡ଼ି ମିକିଙ୍କ ଉଡ଼ାନ ସେଙ୍ଗେ ଅଣ୍ଡିୟ ଦାମ୍ ଇଚ୍ଛା ମାଡ଼ିତୁନ୍ ।

^୫ ☆ମିୟାଦ୍ କାକବାୟି ଲୋୟା ନୁ ମାଡ଼ତା ଇଉନିସୀ ବେଦ୍‌ଲେକାମ୍ ବିଶ୍ବାସ୍ ମାଡ଼ମାଡ଼ତେ, ମିୟାଦ୍ ମିକା ଆ ହୃଦୟରେ ବିଶ୍ବାସ୍ ମିନ୍ଦେ । ଇଦ୍ ଗଟ୍ ନାନେ ହେର୍କା ମାଡ଼ିତୁନ୍ । ମିୟାଦ୍ ଆଦ୍ ବିଶ୍ବାସ୍ ମିନ୍ଦେ ଇଞ୍ଜ ନିଜାମ୍ ନାନେ ପୁଡ଼୍‌ତାନ ।

^୬ ନାନେ ନି ପରୁ କାୟ୍ ଝାଟ୍‌ଟେ ପେର୍କେ ମିଡ଼୍ ଇଶ୍ବରତାଗାଙ୍କ ବେନ୍ ଗକ୍ତି ଦରସ୍ ମାଡ଼ିଡ଼ିଡ଼୍, ଆଦିଙ୍କ ଜିଝେ ମାଡ଼ି ନେହେତାନ ସେଙ୍ଗେ ନାନେ ମିକିଙ୍କ ହେର୍କା ଝାଟିସ୍ ମାନ୍ତାନ ।

^୭ ବାତେଙ୍କଇକ୍ ଇଶ୍ବର ମାନାଙ୍କ ବିରୁଦ୍ଧେ ଆମ୍ ଇଝଣ୍ଡ, ମାଡ଼ର୍ ଗକ୍ତି, ପ୍ରେମ ନୁ ବୁଦ୍ ଇଲ୍‌ଝେ ଆମ୍ ଇସ୍‌ମିନ୍ଦେଣ୍ଡ ।

୮ ଆଦିଙ୍କ ପ୍ରଭୁ ଜିସୁନ୍ ବିଷୟରେ ଶାନ୍ତ୍ୟ ଲଦାଙ୍କ ସିଗ୍ ଆୟମାର୍; ଅନ୍ ସେଙ୍ଗେ ନାନେ ବନ୍ଦି ନା ସେଙ୍ଗେ ମିକା ସିଗ୍ ଆୟମାର୍ । ମାତର୍ ଲଗ୍ବର୍ ଲସ୍ମାନ୍ ଶକ୍ତି ଲେକାମ୍ ମୀଲ କ୍ରିଷ୍ଟ ଜିସୁନ୍ ସୁସମାଚାର୍ ସେଙ୍ଗେ ଦୁଃକାମ୍ ମାଡ଼ାଙ୍କ ତିଆର୍ ଆୟମୁର୍ ।

୯ ଅଣ୍ଟ ମାନ୍ ସତ୍ କାମ୍ଦେ ପୁରସ୍କାର ଲେକାମ୍ ଅଣ୍ଟ ମାନାଙ୍କ ଆହ୍ମାନ୍ ମାଡ଼ଣ୍ଟ ମାତର୍ ଅନ୍ ଅନୁଗ୍ରହରେ ଅନ୍ ହେର୍ବେତେ ତିଆର୍ ମାଡ଼ାଙ୍କ ମାନାଙ୍କ ତାନ୍ ପ୍ରିୟଦାସ ଆଦାନ୍ ସେଙ୍ଗେ ହେଞ୍ଜିମିନ୍ଦେନ୍ । କ୍ରିଷ୍ଟ ଜିସୁନ୍ ଶାସନ୍ ନାର୍ଗ୍ ଝାଡ଼ଷାତାଗାଙ୍କ ଲଗ୍ବର୍ ମାନାଙ୍କ ଲଦ୍ ଅନୁଗ୍ରହରେ ପାତ୍ର ଲନା ମାଡ଼ି ନେହେସ୍ମିନ୍ଦେନ୍;

୧୦ ଲଞ୍ଜେ ଲଦ୍ ଦାରାଦାମତେ ତଅନ୍ଦି ଆସ୍ ତ୍ରାଶକର୍ତ୍ତାଙ୍କ କ୍ରିଷ୍ଟ ଜିସୁ ଲଦ୍ ସାରେ ବିଷୟତିଙ୍କ କେସ୍ ମାଡ଼ିମିନ୍ଦେନ୍ । ଅଣ୍ଟ ତଲାନ ଶକ୍ତିତିଙ୍କ ମାପିତ୍ତନ୍ ନୁ ଅନ୍ ସୁସମାଚାର୍ ତୋଡ଼୍ ଅନନ୍ତ ଜିଞ୍ଜେଡ଼୍ ଆର୍ ତିଆର୍ ମାଡ଼୍ତନ୍ ।

୧୧ ☆ଲଦ୍ ସୁସମାଚାର୍ ତେ ନାନେ ଝେରନ୍ ପ୍ରଚାର୍ତନ୍, ପ୍ରେରିତ ଶିଷ୍ୟ ନୁ ମେସ୍ତେରିନ୍ ଲେକାମ୍ ନିୟୁକ୍ତି ମାଡ଼ିମିନ୍ଦେନ୍ ।

୧୨ ଅଦିନ୍ ସେଙ୍ଗେ ନାନେ ଲଭସାରେ ଦୁଃକାମ୍ ମାଡ଼୍ତୁନ୍ । ବେନଙ୍କ ନାନେ ବିଶ୍ବାସ୍ ମାଡ଼୍ତୁନ୍, ନାନେ ଅନ୍ ସୁଦୁର୍ ପରିସୟ ଦର୍ସକ୍ତାନ୍ ନୁ ଅଣ୍ଟ ନାକିଙ୍କ ବେନ୍ ଦାୟିତ୍ବ ଲସ୍ମିନ୍ତେଣ୍ଟ, ଆଦ୍ ମାଡ଼ାଙ୍କ ସାରେ ଦିନ୍ ଯାକ ଅଣ୍ଟ ନାକିଙ୍କ ସିମ୍ ରାମ୍ ତାଗ୍ ନେହେତିତନ୍, ଆଦ୍ ନିଜାମ୍ତେ ପୁଞ୍ଜ ନାନେ ଲଞ୍ଜେକ୍ ଯାକ ପୁରାପୁରି ଆଶେତନ୍ ଆସ୍ମିନ୍ତେନ୍ ।

୧୩ ନାୟାଗାଙ୍କ ବେନ୍ସାରେ ବାକ୍ୟ କେଞ୍ଜିମିନ୍ଦେଡ଼ି, କ୍ରିଷ୍ଟ ଜିସୁନ୍ ମୁନେଙ୍କ ବିଶ୍ବାସ୍ତେ ବା ପ୍ରେମତେ ଆଦ୍ ଆଦର୍ଶଲେକାମ୍ ପଲସ୍ ମାନୁର୍ ।

୧୪ ମୀଲ କାଲଦେ ବାତେ ସମପ୍ରିତ୍ ବେନ୍ ସାୟେ ବିଷୟ, ଆଦ୍ ମିୟାଗ୍ ମାନ୍ତାନ୍ ପବିତ୍ର ଆତ୍ମାତେ ଲେକେଡ଼ ନେହେସ୍ ମାନୁର୍ ।

୧୫ ମିଡ଼୍ ପୁଡ଼ିତ୍, ପୁଗେଲ୍ ନୁ ହର୍ମଗେନା ତଡ଼୍ ମୁନେ ଏସିଆ ପ୍ରଦେଶ୍ତେ ସାରେତଡ଼୍ ନାକିଙ୍କ ଝିଡ଼୍ସି ମିନ୍ଦେଡ଼୍ ।

୧୭ ଅନିସଫରତେ ପରିବାତଂଙ୍କ ପ୍ରବୁ ଦୟା ମାଡ଼ିଣ୍ଡୁ,
ବାତେଙ୍କିକେ ଅଣ୍ଡ ବାରମ୍ବାର ନାକିଙ୍କ ସ୍ବାନ୍ତନା ମାଡ଼ିମିନ୍ଦେନ୍, ମେଣ୍ଡେ
ନାନେ ବନ୍ଦି ଇଞ୍ଜ ଅଣ୍ଡ ସିଗ୍ ଆୟଣ୍ଡ ।

୧୮ ରୋମ୍ ନଗରତାର୍ ହେଞ୍ଜଦାନ୍ ସାଙ୍ଗେ ସାଙ୍ଗେ ଅଣ୍ଡ ନାକିଙ୍କ
ମେହେକୁଡ଼ି ମିକା ନା ପାକେ ଖାସ୍ମାଡ଼ତନ୍ ।

୧୯ ମହାବିତାର୍ ଦିନେଡ଼ତେ ପ୍ରବୁ ଅନ୍ ସେଙ୍ଗେ ଦୟା ଆଇଣ୍ଡ ।
ଏପିସୀତାର୍ ଅଣ୍ଡ ନାକିଙ୍କ ବେସର୍ ସେବା ମାଡ଼ିମାଡ଼ତନ୍, ମିଡ଼୍ ଆସ୍ତୁ
ସାରେ ଗଟ ପୁଡ଼ତିଡ଼୍ ।

୨

କ୍ରିଷ୍ଟ ଜିସୁନ୍ ବିଶ୍ବାସତେ ସୌନିକ୍

୧ ନା ପ୍ରିୟ ମାର୍, କ୍ରିଷ୍ଟ ଜିସୁନ୍ ତୋଡ଼ କାୟଲାନ ସେଙ୍ଗେ
ଅନୁଗ୍ରମାମେ ଅନ୍ୟାୟ ବେନ୍ ଶକ୍ତି ଦରକିଡ଼୍, ଆଗାଙ୍କ ମିଡ଼୍ ତାଟାମ୍
ଆୟମୁର୍ ।

୨ ନାର୍ଗେ ସାକ୍ଷିଙ୍କ ନାଗାଙ୍କ ନାନେ ପ୍ରଚାର ମାଡ଼ିମାନ୍ଦାନ୍ ବିଷୟତିଙ୍କ
ମିଡ଼୍ କେଞ୍ଜତିଡ଼୍ । ବାଗାଡ଼ଡ଼କ୍ ଶିକ୍ଷା ହିଦାନ୍ ସେଙ୍ଗେ ପାର୍ଦଦାନ୍
ବିଷୟ ନୁ ବିଶ୍ବାସସେଙ୍ଗେ ନାରିକିଙ୍କ ଇଡ଼ ସାରେ ବିଷୟ ପାଲନ୍
ମାଡ଼ାର୍ ।

୩ କ୍ରିଷ୍ଟ ଜିସୁନ୍ ଖେରଣ୍ଡ ବିଶ୍ବସ୍ତ ସୌନିକ୍ ଲେକାମ୍ ମିଡ଼୍ ଅନ୍ ସେଙ୍ଗେ
ଦୁଃକାମ୍ ମାଡ଼ାର୍ ।

୪ ଯୁଦ୍ଧତାର୍ କାଈଲି ମାନ୍ଦାନ୍ ଖେଲେ ସୌନିକ୍ ମାତର୍ ତାନ୍
ସେନାପତିଡ଼କ୍ ସନ୍ତୁଷ୍ଟ ମାଡ଼ାନ୍ ସେଙ୍ଗେ ଆଗ୍ରହ ମାନନ୍ତେ । ଆସୁଙ୍ଗ୍
ଅଣ୍ଡ ବାତେଆଇ ଯୁଦ୍ ପାଡ଼୍ଯି ଝିଡ଼୍ଯି ମେଣ୍ଡେଅଣ୍ଡ କାମ୍ତାର୍ ମନ୍
ଇଞ୍ଜନ୍ ।

୫ ମିରାନ୍ ପ୍ରତିଯଗିତାର୍ କାଈଲିମାନ୍ଦାନ୍ କାର୍ଯ୍ୟାନଡ଼୍,
ପ୍ରତିଯଗିତାର୍ ନିୟମ୍ ଲେକାମ୍ ପାଲନ୍ ମାଡ଼୍ଝେ ମାଡ଼କେ, ଆଗାଙ୍କ୍
ଅଣ୍ଡ ଜିଡ଼୍ତେ କାମ୍ ଦାର୍ ପୁରସ୍କାର ଲାବ୍ ମାଡ଼େପାର୍ଝନ୍ ।

୬ ଗାଟି କଷ୍ଟ ମାଡ଼ି ଚାଷି ପାଣ୍ଡୁସ୍ତମାନ୍ଦାନ୍ ଫସଲ୍ତେ ସାରେଦିନାଡ଼୍
ତିପାଲ୍ ଦରକାନ୍ ଉଚିଡ଼୍ ।

୭ ନାନେ ବାଡ଼ କେତୁତାନ, ମନ୍‌ଇସ୍ ଚିନ୍ତା ମାଡ଼ାଟ୍; ଆଲେକ୍ ହିତସାରେ ବିଷୟତେ ଅର୍ତ୍ତ ବୁଜେମ୍ ଆଦାଙ୍କ ପ୍ରବୁ ମିକିଙ୍କ ଶକ୍ତି ହିତନ୍ ।

୮ ନାନେ ପ୍ରଚାଟ୍ ମାଡ଼ମାନ୍‌ ସୁସମାଚାଟ୍ ଲେକାମ୍ ବେନ୍ ଡଲିମାନ୍‌ ଜିସୁ କ୍ରିଷ୍ଟ ଦାଉଦ୍ ରାଜାନ୍ ବଂଶତେ, ଅଙ୍କ୍ ହେର୍କା ମାଡ଼ାଟ୍ ।

୯ ହିଦ୍ ସୁସମାଚାଟ୍ ପ୍ରଚାଟ୍ ମାଡ଼ନାଙ୍କ୍ ନାନେ ଅପରାଦି ଲେକାମ୍ ଶୁଙ୍ଖାଲାବଦ୍ ଆସ୍ କଷ୍ଟ ବଗେମ୍ ଆଦୁତାନ । କିନ୍ତୁ ଇଶ୍ବରତେ ବାଣୀତିଙ୍କ୍ ବେନ ବନ୍ଦି ମାଡ଼େପାର୍‌ଝଡ୍ ।

୧୦ ଇଶ୍ବରତେ ହେଞ୍ଜିମାନ୍‌ ନାରିଡ୍, କ୍ରିଷ୍ଟ ଜିସୁନାଗେ ନାଗେ ପରିତ୍ରାଣ ନୁ ଅନନ୍ତ ଗୌରବ୍ ଲାବ୍ ମାଡ଼ାଟ୍, ଇଦ୍ ଲେକାମ୍ ନାନେ ସାରେ କଷ୍ଟ ମାଡ଼ୁତାନ ।

୧୧ ହିଦ୍ ଗଟ୍ ଅଣ୍ଟ ନିଜାମ୍ ସଡ୍, “ଅନ୍ ତଡ୍ ମାମେ ଯଦି ତଲ୍‌ତମ୍, ଅନ୍ ତଡ୍ ମିକା ଜିଣେ ଆସ୍ ମାନ୍‌ତମ୍ ।

୧୨ ☆ଯଦି ମାନାଡ୍ ଦର୍ଯ୍ୟପଇସ୍ ମାନ୍ତାଡ୍, ଆଲେକ୍ ଅନ୍‌ତଡ୍ ରାଜ୍ ମାଡ଼ିକାଡ୍; ଯଦି ମାନାଡ୍ ଅଙ୍କ୍ ଅସ୍ବିକାର୍ ମାଡ଼୍‌ଝାଲ୍, ଆଲେକ୍ ଅଣ୍ଟ ମିକା ମାନାଙ୍କ୍ ଅସ୍ବିକାର୍ ମାଡ଼ଣ୍ଟ;

୧୩ କିନ୍ତୁ ଅନ୍ ସେଙ୍ଗେ ମାନାଡ୍, ଅବିଶ୍ବସ୍ ଆଡ଼କେ ମିକା, ଅଣ୍ଟ ସାରେଦାମ୍ ବିଶ୍ବସ୍ ମାନ୍‌ତନ୍, ବାତେଙ୍କ୍‌ଇକ୍ ଅଣ୍ଟ ନିଜର୍ ବିରୁଦ୍‌ତେ କାରାପ୍ ବ୍ୟବହାର୍ ମାଡ଼େ ପାର୍‌ଝନ୍ ।”

ବିଶ୍ବସ୍ତେ ଦାସ

୧୪ ଇସ୍ରାଏରେ ଗଟି ହେର୍କା ମାଡ଼ି ନାରିଡ଼କ୍ କାରାପ୍ ନୁ ଦସ୍ ଇଲ୍‌ଝେ ଗଲ୍‌କ୍ ମାଡ଼ାନଙ୍କ୍ ଅଡ଼କିଂଙ୍କ୍ ପ୍ରବୁନାଦ୍ ଲେକାଆଡ଼ତେ ସାକ୍ଷ୍ୟ ଇମ୍ବୁଟ୍ ।

୧୫ ମିଡ୍ ସିଗ୍ ଆୟକଟ୍ ନିର୍ଭୁଲ୍ ଲେକାଡ଼ ଇଶ୍ବରତେ ସଡ୍ ବାକ୍ୟ କେଲାଟ୍; ଆଲେକେ, ଝେରନ୍ ବିଶ୍ବାସ୍ତେ ନାତୁନ୍ ଲେକାମ୍ ନିମେ ଇଶ୍ବରତେ ସାରେ ଶକ୍ତି ଲାବ୍ ମାଡ଼ିତିନ୍ ।

☆ ୨:୧୨ ମାଡ଼ିଉ ୧୦:33; ଲୁକ ୧୨:୯.

୧୭ ବେନ ଦର୍ମବାବଶୂନ୍ୟ ମଣ୍ଡି ବାକ୍ୟକେତାନ ନାରିଙ୍କ ଇଶ୍ବରତାଗାଙ୍କ ହେକାମ୍ ମାଡ଼ିତ୍, ଅଣ୍ଡି ସାରେତାଗାଙ୍କ ମିଡ଼୍ ଯେକା ମାନୁର୍ ।

୧୮ ବେନଡ଼୍ ଇଦ୍‌ଲେକାମ୍ ବାକ୍ୟ କେଡିତଡ଼୍, ଅଡ଼୍ ଶିକ୍ଷା କାଡ଼୍‌ୟ ଆଦାନ ପୁଣ୍ଡି ଲେକାମ୍ ତେରାନଡ଼୍ ଅଡ଼୍ ଆଗାଙ୍କ ମିନ୍ଦେଡ଼୍ ହୁମନାୟ ନୁ ଫିଲିତ ।

୧୯ ଅଡ଼ାଦ ପୁନରୁଡ଼ତାନ ଆଡ଼ତେ ଇଞ୍ଜ କେସ୍ ସଡ଼ ଆରତାଗାଙ୍କ ଜେକେ ଅଦୁତଡ଼୍, ମେଣ୍ଡେ ବେସ୍‌ଡ଼ୁଡ଼ାଦ୍ ବିଶ୍ବାସ୍ ଖୁଲ୍‌ଟା ମାଡ଼ିଇଦୁତଡ଼୍ ।

୨୦ କିନ୍ତୁ ଇଶ୍ବର ବେନ ତୁଟାଙ୍ଗତେ ବିଭିବୁମି ମାଡ଼ିସ୍ ମିନ୍ତେନ୍, ଆଦିଙ୍କ ବେନ ଉଝୁତେ ପାର୍‌ଝଡ଼୍ । ଆଦ୍ ବିଭିପ୍ରସ୍ତର ପରୁ ଲେକା ଆଡ଼ତେ; “ଇଶ୍ବର ତାନ ନିଜେଡ଼୍ ନାରିଡ଼୍ ପୁନ୍ତନ୍ ବେନ ନିଜେଡ଼ିଙ୍କ ଇଶ୍ବରତେ ନାରୁନ୍ ଇନା ପରିଚୟ ଇଦ୍‌ତନ୍, ଅଣ୍ଡି ସାରେ ଦୁଷ୍ଟର୍ମତାଗାଙ୍କ ଖେରେ ଆଇନ୍ ।”

୨୧ ଖେରନ୍ ସାଉକାର୍ ନାରିନ୍ ଲୋନ୍ ନାଗେ ଲେକେଡ଼୍ କୁଣ୍ଡା ମାଡ଼ା । ଆଗେଙ୍କ ବେସ୍‌କ୍ ମୂଲ୍ୟବାନ୍ ସୁନା ରୂପାତେ ତିଆର୍; ମେଣ୍ଡେ ବେସ୍‌କ୍ ସାସ୍ତେତେ ଦର୍କତାଉ ମାଣ୍ଡୁଲୁତେ ବା ଖେରକ୍‌ତେ ତିଆର୍ । ବେସ୍‌କ୍ ପାତ୍ର ପାଣ୍ଡୁକୁନାଗ୍ ଉସ୍‌ବତେ ଦରକାଡ଼୍ ଆଦତା; ବାଗାତାଝୁ ଦୈନନ୍ଦିନ କାମ୍‌କିନାଗ୍ ଲାଗେମ୍ ଆଦତା ।

୨୨ ବେନଆଇ ସାରେ ପାପ କାରାପ୍ ତାଗାଙ୍କ ନିଜେଡ଼ିଙ୍କ ଶୁଚି ନେହେଡିତନ୍, ଅଣ୍ଡି ପ୍ରବୁନ୍ କାମ୍‌ଦାଗ୍ ବ୍ୟବହୃତ ଆଦତେ, ଅଣ୍ଡି ପ୍ରବୁନାଗେ ଅନୁରକ୍ତ, ଅନ୍ ସେଙ୍ଗେ ଆଦ୍ ଦରକାର୍ । ବେନ ବାତେଆଇ ଲେକେଡ଼୍ କାମ୍‌ତାଗ୍ ବିନିଯୁକ୍ତ ଆଦାନ ଅଣ୍ଡି ତିଆର୍ ।

୨୩ ବେନଡ଼୍ ନିର୍ମଲ୍ ହୃଦୟତେ ଇଶ୍ବରତିଙ୍କ ସାହାୟ୍ୟ ପ୍ରାର୍ଥନା ମାଡ଼ମାନ୍ତନ୍, ଅଡ଼୍ ସଂସ୍ପର୍ଶତେ ମାଞ୍ଜି ମିଡ଼୍ ଲେଇୟଡ଼୍ ଉତ୍ତେଜନାତିଙ୍କ ଆୟତ୍ ମାଡ଼ିତଡ଼୍ ମେଣ୍ଡେ ଦାମ୍‌କ୍‌ତେ, ବିଶ୍ବାସ୍ତେ, ପ୍ରେମ ନୁ ଶାନ୍ତି ଇଦାନ ସେଙ୍ଗେ କାମ୍ ମାଡ଼ାଟ୍ ।

୨୪ ମୁର୍କ୍ ନୁ ବୁଦ୍‌ଇଲ୍‌ଖେ ଯୁକ୍ତିତର୍କ୍ ନାରୁଡ଼ାଙ୍କ ଯେକା ମାନୁର୍ । ମିଡ଼୍ ପୁଡ଼ିତଡ଼୍ ଇଝୁସାରେତେ ପରିଣତି ସାରେ ଗଲ୍‌କ୍ ।

୨୫ ପ୍ରବୁନ୍ ଦାସ ବିରଦ୍ ମାଡ଼ାନାଦ୍ ସାୟେ ଆୟ, ମାତର୍ ସାରେତଡ଼୍,

ସେଙ୍ଗେ ଲେକେଡ଼, ଶିକ୍ଷା ଇଦାନାଦ୍ ଲେକେଡ଼ ।

୨୫ ଅଙ୍କ ବିରଦ୍ ମାଡ଼ମାନ୍ ନାରୁଡ଼କିଙ୍କ ଦୋଷତୁଟି ଅଣ୍ଟ ମୁଦୁ ଲେକାମ୍ ଦର୍ଶାମାଡ଼ମାନ୍, ଅନୁତାପ୍ ମାଡ଼ି ସଡ଼ ଉପଲବ୍ଧ ମାଡ଼ାନଙ୍କ ଆୟି ତ ଅଣ୍ଟଦିନେ ଇଶ୍ବର ଅଡ଼କିଙ୍କ ସୁଜଗ୍ ଇଦତନ୍ ।

୨୬ ମେଣ୍ଡେ ବେନ୍ ଶୟତାନ୍ ଅଡ଼କିଙ୍କ ତାନ୍ ଇଚ୍ଛା ସାଦନ୍ ମାଡ଼ାନ୍ ସେଙ୍ଗେ ବନ୍ଦି ମାଡ଼ିମିନ୍ତେ, ସତେତନ୍ ଆସ୍ ତାନ୍ ଉଡ଼ାଇ ଦାଗାଙ୍କ ମୁକ୍ତ ଆଦତଡ଼ ।

୩

ମୁନେଡ଼ କାଲମ୍

୧ ଇଦ୍ ପୁଞ୍ଜମାନୁର୍ ଯେ, ଶେଷଦିନାମ୍ତେ ବିପଦ୍ ଖାସ୍ ହେଉଦତେ ।

୨ ନାରିଡ଼୍ ସ୍ବର୍ତ୍ତପର, ଲୋବି, ଆଂକାରୀ ନୁ ଆମ୍ବାବିମାନୀ ଆଦତଡ଼; ଅଡ଼୍ ଯାୟ ବାବାଙ୍କ ଅପମାନ୍ ଇଦତଡ଼; ଅଡ଼୍ ମାନ୍ତାଗ୍ କୃତଜ୍ଞତା ନୁ ଅଦର୍ମତେ ମାୟି ଆଦତଡ଼,

୩ ଅଡ଼୍ ଆଦତଡ଼୍ ନିର୍ଦ୍ଦୟ, ନିନ୍ଦେତଡ଼୍ ଇଂସାତଡ଼୍, ନୁ ବୟଙ୍କାର; ସାରେତଡ଼୍ ସାୟେଡ଼ ବିଷୟତିଙ୍କ ପାସକିତଡ଼ ।

୪ ଅଡ଼୍ ଆଶେତେ ସ୍ତୀତ ଆସ୍ ବିଶ୍ବାସଗାତକ ନୁ ବିଚାର ଆଦତଡ଼; ଅଡ଼୍ ଇଶ୍ବରତେ ବକ୍ତିତାଗାଙ୍କ ଆମଦ୍ ପ୍ରମଦ୍ତିଙ୍କ ସାରେଦାମ୍ ହେର୍କା ମାଡ଼ିତଡ଼ ।

୫ ଅଡ଼୍ ବକ୍ତନଡ଼୍ ବଣ୍ଟକତିଙ୍କ ପଇଦତଡ଼, କିନ୍ତୁ ଆଶେଡ଼ ଶକ୍ତିତିଙ୍କ ଅସ୍ଥିକାର ମାଡ଼ିତଡ଼; ଇଦ୍ ଲେକାମ୍ ନାରିଡ଼ାଗାଙ୍କ ଯେକା ମାନୁର୍ ।

୬ ଇଡ଼ାଗାଙ୍କ ବେସ୍ତୁଡ଼ ଜିଦ୍ ଲେକାମ୍ ନାରିଡ଼୍ ମିନ୍ଦେଡ଼, ବେନଡ଼୍ ଲକ୍ ଲକ୍ ନେଙ୍ଗି ପାପତେ ବାରାକ୍ରାନ୍ତ ନୁ ବାଡ଼ବାତା କାରାପ୍ ଅବ୍ୟାସ୍ତେ ଚାଲିଡ଼୍ ମୁର୍କ୍ ନାଟାକିଙ୍କ ନିଜେଡ଼ ବଶୀଭୂତ ମାଡ଼ିତଡ଼ ।

୭ ବେନଡ଼୍ ସାରେଦାମ୍ ସଡ଼ ପୁନ୍ଦାନ୍ ସେଙ୍ଗେ ଚେଷ୍ଟା ମାଡ଼ମାନ୍ତନ୍, କିନ୍ତୁ ତୁନ୍ ସନ୍ଦାନ୍ ପାହେମ୍ ଆୟନ୍, ଇଦ୍ ଲେକାମ୍ ନାଟାକିଙ୍କ ଆଖୁ ନିଜେଡ଼ିଙ୍କ ବଶୀଭୂତ ମାଡ଼ିତା ।

୮ ଯନ୍ମୀସ ନୁ ଯମ୍ୱୀସ୍ ବେଲାନ୍ କି ମୋଶାନ୍ ବିରୁଦ୍ଧାତରନ୍ ମାଡ଼ମାଡ଼ତଡ଼, ଆଦେଲେକାମ୍ ମୁନେଡ଼ ଦିନାମ୍ତେ ହି ଦୁରାଚାରୀଡ଼,

ସତ୍ତେ ବିରୋଦ୍ ମାଡ଼ିତଡ଼ ଅଡ଼ ମସ୍ତିଷ୍କ ବିକୃତି ଗଟେମ୍ ଆଦତେ ନୁ
ଅଡ଼ ଦର୍ମବିଶ୍ୱାସ୍ ବିଲୟ୍ ଆଡ଼ତେ ।

୯ କିନ୍ତୁ ଅଡ଼ ଗାଟି ମୁନେ ଆଦେପାର୍ୱତ୍ । ଅଶ୍ୱଦିନେ ସାରେତଡ଼,
ପୁନ୍ଦତଡ଼, ଅଡ଼ ବେସର୍ ନିର୍ବୋଦ । ଯନ୍ମୀସ ନୁ ଯମ୍ବୁୀସ୍ତେ ଜିଞ୍ଜେତେ
ବାତେ ଗଟେମ୍ ଆସ୍ମାତେ, ଅଡ଼ ଜିଞ୍ଜେତେ ମିକା ଆଲେକେ ଆଦତେ
।

ଶେଷ ଗର୍

୧୦ ମିଡ଼ ନା ଶିକ୍ଷା, ନା ଆଚରନ୍ ନୁ ନା ଜିଞ୍ଜେତେ କାମ୍ ପେକେ
ମାଡ଼ିତଡ଼ । ନାୟାଦ୍ ବିଶ୍ୱାସ୍, ଶକ୍ତି, ପ୍ରେମ, ସହନଶୀଳତା ।

୧୧ ☆ ନାୟାଦ୍ କଷ୍ଟ ନୁ ଦୁଃଖାମ୍ ମିଡ଼ ଆଦାଙ୍କ୍ ଆଦତିଡ଼ ଆଶ୍ୱିୟୋକ୍,
ଇକନିୟା ନୁ ଲୁସ୍ତା ତେ ନା ସେଙ୍ଗେ ଆଦେଲେକାମ୍ ତାଡ଼ନା ଗଟେମ୍
ଆସ୍ମାତେ; ନାନେ ଆଦ୍ ସହ୍ୟ ମାଡ଼ିମାଡ଼ତାନ୍, ମେଣ୍ଡେ ପ୍ରବୁ ନାକିଙ୍କ୍
ଆଉସାରେତାଗାଙ୍କ୍ ଉଦାର୍ ମାଡ଼ିମାଡ଼ତନ୍ ।

୧୨ ବେନ୍ ସାରେତଡ଼, କ୍ରିଷ୍ଟ ଜିସୁନ୍ ତଡ଼ ଦର୍ମଜିବନ୍ ଯାପନ୍
ମାଡ଼ାନଙ୍କ୍ ଇଚ୍ଛା ମାଡ଼ିତନ୍, ଅଡ଼ ତାଡ଼ନାତେ କଷ୍ଟ ଆଡ଼ତନ୍ ।

୧୩ କିନ୍ତୁ କପଟି ନୁ ପ୍ରବଞ୍ଚକନଡ଼ ପେକେ ସର୍ବନାଶ ପାକେ ଅଡ଼,
ବାଗାତଡ଼କ୍ ଟକାମାଡ଼ି ପେକେ ନିଜେ ଟକେମ୍ ଆଦତଡ଼ ।

୧୪ କିନ୍ତୁ ଚୁବନ୍ ସାରେ ସଡ଼ ଶିକ୍ଷା ମାଡ଼ି ତାରୁମ୍ତେ ବିଶ୍ୱାସ୍ ମାଡ଼ିତୁଡ଼,
ଆଦ୍ ସାରେତାଗ୍ ମିଡ଼ ତୁଟାଙ୍କ୍ ମାନୁର୍ । ମୀଇ ମେସ୍ତେରିଡ଼ ବେନଡ଼,
ମିଡ଼ ପୁଡ଼ିତଡ଼ ।

୧୫ କ୍ରିଷ୍ଟ ଜିସୁନାଗେ ବିଶ୍ୱାସ୍ ମାଡ଼ି ପରିତ୍ରାଣ ଲାବ୍ ମାଡ଼ାନ୍ ବୁଦ୍
ବେନ୍ ପବିତ୍ର ଦର୍ମଶାସ୍ତ୍ରତାଗ୍ ଲେକାଆସ୍, ମିଡ଼ ପିଲେକଙ୍କ୍ ଆସ୍ତ୍ର ସାରେ
ଶାସ୍ତ୍ର କାର୍ଯ୍ୟ ବୁଜେମ୍ ଆଦୁଡ଼ିତ ।

୧୬ ସାରେ ଶାସ୍ତ୍ର ଇଶ୍ୱର୍ ବିଦ୍ୟା ଇଡ଼ତେ ପ୍ରନୀତ ସଡ଼ ତିଗିଞ୍ଜାସ୍ ନୁ
ମିବ୍ତେ ପ୍ରତିରଦ୍ ମାଡ଼ି ନୁ ବ୍ରମ କାଲ୍ପି ମାଡ଼ାନ୍ ସେଙ୍ଗେ ପରାମର୍ଶ
ଇସ୍, ସଡ଼ଜିଞ୍ଜୁ ବାଦକାନଙ୍କ୍ ଦର୍ମଶାସ୍ତ୍ର ସାହାୟ୍ୟ ମାଡ଼ିତ,

୧୭ ବେଲାନ୍ କି ଇଶ୍ୱର୍ ନାରୁଡ଼, ସିଦ୍ଧ ଆସ୍ ସାରେଡ଼ ସାୟେ କାମ୍
ସେଙ୍ଗେ ତିଆର୍ ଆଦତେ ।

୪

୧ ଇଶ୍ଵରତେ ମୁନେ ନୁ ସାରେତଡ଼ ଜିଝେ ଡଲ୍‌ତେ ନାରିଡ଼ ବିଚାର୍ ମାଡ଼ାନଙ୍କୁ ନୁ ରାଜ୍ ମାଡ଼ାନଙ୍କୁ ଖାସମାନ୍ କ୍ରିଷ୍ଟ ଜିସୁ ଖାଦାନ୍ ଦିନେ, ତାନ୍ ରାଜ୍ୟତିଙ୍କୁ ଲେକେଡ଼ ମାଡ଼ନ୍ ସେଙ୍ଗେ ନାନେ ମିକିଙ୍କୁ ଇଦ୍ ଦୃଡ଼ ଆଶ୍ଵାନ୍ ଇଦୁତାନ୍ ।

୨ ସମୟ ବା ଅସମୟ ବିଚାର୍ ମାଡ଼କର୍, ମିଡ଼ ସାରେଦିନା ଆଦ୍ ବାକ୍ୟ ପରୁ ଗଟି ଇସ୍ ବୁଜାମାଡ଼ିତିଡ଼; ଦୌର୍ଯ୍ୟତେ ଶିକ୍ଷା ଇସ୍, ବେସୁଙ୍କୁ ବର୍ସନା ମାଡ଼ି, ବେସୁଙ୍କୁ ବା ଝେଡ଼କେ ଇସ୍ ବାଗାତଡ଼ ମନ୍‌ତାଗ୍ ଅଦିନ୍ ସେଙ୍ଗେ ପ୍ରତ୍ୟୟ ଜନମ୍ ମାଡ଼ିତେ ।

୩ ଅନ୍‌ଦିନେ ଖାଦ୍‌ତେ, ବେସୁଙ୍କୁ ନାରୁଡ଼ ସଡ଼ ଶିକ୍ଷାତିଙ୍କୁ କେଞ୍ଜକଟ ମାଡ଼ଡ଼, ଅଡ଼ ମାଡ଼ର୍ ନିଜେ ନିଜେଡ଼ ଅବିଲାଷ ଚରିତାର୍ ମାଡ଼ାନ୍ ସେଙ୍ଗେ ଦାନ୍ଦେ ଆଦ୍‌ତଡ଼ ନୁ ଇ ଯୁଗ୍‌ତେ ଅଡ଼କିଙ୍କୁ ସମର୍ତ୍ତନ୍ ମାଡ଼ମାନ୍‌ବନ୍ ବଣ୍ଟ ଶିକ୍ଷାନଡ଼କ୍ ଅଡ଼କାଙ୍ଗ୍ ଡଡ଼ ।

୪ ମେଣ୍ଟେ ସଡ଼ ବାକ୍ୟତାଗ୍ କେଞ୍ଜକଟ ଝେଷଡ଼ିନାଗ୍ ମନ୍ ଇସ୍ କେଞ୍ଜିତଡ଼ ।

୫ ମିଡ଼ ସାରେଡ଼ ବିଷୟତାଗାଙ୍କୁ ସଚେତନ୍ ଆୟମୁର୍, କଷ୍ଟତେ ପାଡ଼ୟି ମାଡ଼ାଟ୍, ସୁସମାଚାର ପ୍ରଚାରତଡ଼କ୍ କାମ୍ ସାରେ ମାଡ଼ାଟ୍, ମୀଈ ସେବାତେ କାମ୍ ସାରେ ମାଡ଼ାଟ୍ ।

୬ ନା ଜିଝୁନ୍‌ତିଙ୍କୁ ବଲି ମାଡ଼ି ହିଦ୍ ଜଗଡ଼ତିଙ୍କୁ ଓଡ଼ସି ମାଡ଼ାନ୍ ଦିନାମ୍ ଖାସ୍‌ହେଉତେ ।

୭ ନାନେ ସାୟେ ଯୁଦ୍‌ତାଗେ ପ୍ରାଣପନ୍ ମାଡ଼ତାନ୍ । ଜିଝେଡ଼ ମିରାନାଗ୍ ନାନେ ନିରୁପିତ ଆର୍ ଅଦିକ୍ ଲେକେଡ଼ ମାଡ଼ିମିନ୍ଦେନ୍; ନାୟାଦ୍ ବିଶ୍ଵାସ୍‌ତେ ନାନେ ଦୃଡ଼ ମାଡ଼ତାନ୍ ।

୮ ଇଞ୍ଜେ ନାୟାଦ୍ ଦର୍ମପରାୟନ୍‌ତେ ସେଙ୍ଗେ ଜିଡ଼ତାଦ୍ ପୁରସ୍କାର୍ ନେହେତାଦ୍ ମିନ୍ତେ । ଅଣ୍ଟୟ ଦିନେତେ ନ୍ୟାୟବାନ୍ ବିଚାର୍ ମାଡ଼ାନଶ୍ଚ ପ୍ରବୁ ନିଜେ ନାକିଙ୍କୁ ଆଦ୍ ପୁରସ୍କାର୍ ହିଦ୍‌ତନ୍ ମାଡ଼ର୍ ନା ଝେରଙ୍କୁ ଆୟ; ପ୍ରେମ ବଲ୍ଲି ତଡ଼ ବେନଡ଼ ଅନ୍ ଖାଦାନ୍ ଦିନାତିଙ୍କୁ କେପିମିନ୍ଦେଡ଼, ସାରେତଡ଼ ଆଦ୍ ପୁରସ୍କାର୍ ଲାବ୍ ମାଡ଼ିତଡ଼ ।

ନିଜର୍‌ତାଦ୍ ଗର୍

୯ ନା ପାକେ ଖାଦାନ୍ ସେଙ୍ଗେ ସିଷ୍ଟପାଟ୍ ତେଷ୍ଟା ମାଡ଼ାଟ୍ ।

୧୦ ☆ଦୀମା ସାଂସାର ତିଙ୍କ ପ୍ରେମ ମାଡ଼ି ନାକିଂଙ୍କୁ ଝିଡ଼ସିଡ଼ତେ । ଆଦି
ଇଞ୍ଜେ ଥେସଲନିକୀତାଗ୍ ଆଡ଼ତନ୍ । କ୍ରେସକେନ୍ସ ଗାଲାତିଆତାଗ୍
ନୁ ତୀତସ୍ ତଲମାତିଆତାଗ୍ ଆଡ଼ତଡ଼ ।

୧୧ ☆ମାତର୍ ଲୁକ ନା ପାକେ ମିନ୍ଦେନ୍ । ନୀଇ ସାଙ୍ଗେତେ ମାର୍କିତିଙ୍କୁ
ତାତିତିନ୍; ଅଣ୍ଟ ନାକିଙ୍କୁ ନା କାମ୍ତାଦ୍ ସାହାୟ୍ୟ ମାଡ଼େପାର୍ତନ୍ ।

୧୨ ☆ତୁରକିକଞ୍ଜ ନାନେ ଏଫିସସ୍ତା ରଡ଼ତାନ୍ ।

୧୩ ☆ତ୍ରୋୟାତାଗ୍ କାର୍ପନ୍ ପାକେ ନାନେ ବେନ୍ ଚକାସିଲେ ଝିଡ଼ସି
ଝାଡ଼ତାନ୍, ନିମେ ଝାଦାନ୍ ଝେଲେ ଆଦିଙ୍କୁ ସାଙ୍ଗେତେ ତାତିତିନ୍ ।
ନାୟାଉ ବଇ ନୁ ତଲକେ ଲେକ୍ତାଦ୍ ବଇ ମିକା ତାତିତିନ୍ ।

୧୪ ☆କଂସାରି ଆଲେକ୍ତାଣ୍ଟାର ନାୟାଦ୍ ନାଗେ ନଷ୍ଟ ମାଡ଼ତନ୍; ପ୍ରବୁ
ତାନ୍ କାମ୍ ଲେକାମ୍ ଅଂକିଙ୍କୁ ସାରେନାଗାଙ୍କୁ ଦଣ୍ଡ ଇଦ୍ତନ୍ ।

୧୫ ଲେକେଡ଼ ଗଟି ପ୍ରଚାର୍ତିଙ୍କୁ ଅଣ୍ଟ ଲୋଡ଼ଡେକଞ୍ଜ ବିରଦ୍
ମାଡ଼ମାଡ଼ତନ୍, ଆଦିଙ୍କୁ ଅନ୍ ପାକେ ନିମେ ସତର୍କଡେ ଚଲେମ୍
ଆଦ୍ତିନ୍ ।

୧୬ ପ୍ରତମ୍ ଦାମ୍ ବେସୁଙ୍କୁ ନାକିଙ୍କୁ ନିଜେଡ଼ ପାକେ ସାହାୟ୍ୟ ମାଡ଼ଡ଼,
ଆଡ଼ତଡ଼, ବେନ ନା ପାକେ ମାନ୍‌ଝେ ମାଡ଼ତଡ଼, ସାରେତଡ଼ ନାକିଂଙ୍କୁ
ଝିଡ଼ସି ଆଡ଼ତଡ଼ । ଇଶ୍ବର ଅଡ଼ାଦ୍ ଇଦ୍ ଦୋଷ ପୟମା କି ।

୧୭ ପ୍ରବୁ ନା ପାକେ ଆସ୍ ନାକିଙ୍କୁ ଶକ୍ତିତନ୍ ମାଡ଼ତନ୍, ମେଣ୍ଟେ
ନାନେ ଗଣ୍ଡାସ୍ ମକତାଗାଙ୍କୁ ନାନେ ରକ୍ଷା ଆଡ଼ତାନ୍, ବେଲାନ୍ ନା ଦ୍ବାରା
ସୁସମାଚାର ସମ୍ପୂର୍ଣ୍ଣତେ ପ୍ରଚାରିଡ଼ ଆଦେପାଦେ ନୁ ଅଣୟିହୁଦୀଡ଼,
ସାରେ ଆଦ୍ ଗ୍ରହନ୍ ମାଡ଼େ ପାରତଡ଼ ।

୧୮ ପ୍ରବୁ ନାକିଂଙ୍କୁ ସାରେ କାରାପ୍ କାମ୍ତାଗାଙ୍କୁ ରକ୍ଷା ମାଡ଼ତନ୍ ନୁ
ନାକିଂଙ୍କୁ ରକ୍ଷା ମାଡ଼ି ତାନ୍ ସ୍ବର୍ଗରାଜ୍ୟତା ଆଦ୍ତନ୍; ଯୁଗ୍‌ଯୁଗ୍ ଅନ୍
ମହିମା ଆୟି ଆମେନ୍ ।

ମାଡ଼େଙ୍କ୍ତାଦ୍ ଶୁବେଞ୍ଛା

☆ ୪:୧୦ କଲସୀୟ ୪:୧୪; ଫିଲିମୋନ୍ ୧:୨୪; ୨ କରନ୍ଥିୟ ୮:୨୩; ଗାଲାତୀୟ ୨:୩; ତୀତସ୍
୧:୪. ☆ ୪:୧୧ କଲସୀୟ ୪:୧୪; ଫିଲିମୋନ୍ ୧:୨୪; ପ୍ରେରିତ ୧୨:୧୨,୨୫; ୧୩:୧୩;
୧୫:୩୭-୩୯; କଲସୀୟ ୪:୧୦; ଫିଲିମୋନ୍ ୧:୨୪. ☆ ୪:୧୨ ପ୍ରେରିତ ୨୦:୪; ଏଫିସିୟ
୬:୨୧,୨୨; କଲସୀୟ ୪:୬,୮. ☆ ୪:୧୩ ପ୍ରେରିତ ୨୦:୬. ☆ ୪:୧୪ ୧ ତାମତି ୧:୨୦;
ରୋମୀୟ ୨:୬.

୧୯ ☆ପ୍ରିୟାଲା, ଆକ୍ତିଲା ନୁ ଅନିସ୍ପର୍ଷତେ ପରିବାରତିଙ୍କ ନାୟାଦ୍
ନମସ୍କାର କେଞ୍ଜପାଟ୍ ।

୨୦ ☆ଏରାଷ୍ଟ୍ କରିକ୍ଷତତାଗ୍ ମିନ୍ଦେନ୍ । ଗ୍ରୋପିମସ୍ତିଙ୍କ ଅଙ୍କ
ଅସ୍ପଷ୍ଟତା ସେଙ୍ଗେ ନାନେ ମିଳିଟସ୍ତତାଗ୍ ଓଡ଼ିସୀ ଖାଡ଼ତାନ୍ ।

୨୧ ଚାଲ୍ କାଲାମ୍ ତେ ମୁନେଙ୍କ ହିଗେ ଖାଦନ୍ ସେଙ୍ଗେ ଚେଷ୍ଟା
ମାଡ଼ାଟ୍ । ଇଉବୁଲସ୍, ପୁଦେନସ୍, ଲିନସ୍, କ୍ଲାଦିଆ ନୁ ଇଗେଡ଼
ବାଗାଡ଼ ସାରେ କ୍ରିଷ୍ଟବିଶ୍ୱାସି ଦାଦାନଡ଼୍ ମିକିଙ୍କ ନମସ୍କାର କେଞ୍ଜପୁତମ୍
।

୨୨ ପ୍ରବୁ ମୀଇ ହୃଦୟତାଗ୍ ସାରେଦାମ୍ ମାନିଷ୍ଟ୍ । ଇଶ୍ୱରତେ
ଅନୁଗ୍ରହ ମୀଇ ସାରେତଡ଼୍ ପରୁ ମାନି ।

☆ ୪:୧୯ ପ୍ରେରିତ ୧୮:୨; ୨ ତାମତି ୧:୧୭,୧୭. ୧୭:୨୩; ପ୍ରେରିତ ୨୦:୪; ୨୧:୨୯.

☆ ୪:୨୦ ପ୍ରେରିତ ୧୯:୨୨; ରୋମୀୟ

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae